

四庫全書

集部

欽定四庫全書

集部

御定全唐詩卷四十七至
九

詳校官庶吉士臣胡 鉉

主事銜臣徐以坤覆勘

總校官知縣臣 繆 珙

校對官磨士臣 范 鰲

騰錄監生臣 呂日永

欽定四庫全書

御定全唐詩卷四十七

張九齡

張九齡字子壽韶州曲江人七歲知屬文擢進士始調校書郎以道侔伊呂科為左拾遺進中書舍人出為冀州刺史以母不肖去鄉里表換洪州都督徙桂州兼嶺南按察選補使以張說薦為集賢院學士俄拜中書侍郎同平章事遷中書令為李林甫所忤改尚書右丞相

罷政事貶荊州長史請歸還展墓卒謚文獻九齡風度
醞藉在相位有謬謬匪躬之誠以直道黜不戚戚嬰望
惟文史自娛嘗識安祿山必反請誅不許後明皇在蜀
思其言遣使致祭卹其家集二十卷今編詩三卷

奉和聖製燭龍齋祭

上帝臨下鑒亦有光孰云陰隲惟聖克彰六月徂暑四
郊愆陽我后其勤告于壇場精意允溢羣靈鼓舞蔚兮
朝雲沛然時雨雨我原田亦既有年燭龍煌煌明宗報

祀于以助之天人帝子聞詩有訓國風茲始

奉和聖製喜雨

艱我稼穡載育載亨隨物應之曷聖與靈謂我何憑惟
德之馨誰云天遠以誠必至太清無雲羲和頓轡于斯
烝人瞻彼非覲陰冥倏忽沛澤咸洎何以致之我后之
感無臯無隰黍稷黯黯無卉無木敷芬黹黹黃龍勿來
鳴鳥不思人和年豐皇心則怡豈與周宣雲漢徒詩

南郊文武出入舒和之樂

祝史辭正人神慶叶福以德昭享以誠接六變云備百
禮斯浹祀事孔明祚流萬葉

奉和聖製幸晉陽宮

隋季失天策萬方罹凶殘皇祖稱義旗三靈皆獲安聖
期將一作朝特申錫王業成艱難盜移未改命歷在終履端

彼汾惟帝鄉雄都信鬱盤一月朔巡狩羣后陪清鑾霸
跡在沛庭舊儀覩漢官唐風思何深舜典敷更寬戶蒙
粉榆復邑爭牛酒歡緬惟翦商後豈獨微禹歎三后既

在天萬年斯不刊尊祖實我皇天文皆仰觀

奉和聖製次成臯先聖擒建德之所

天命誠有集王業初惟艱翦商自文祖夷項在茲山地
識斬蛇處河臨飲馬間威加昔運往澤流今聖還尊祖
頌先烈賡歌安用攀紹成即我后封岱出天關

奉和聖製賜諸州刺史以題座右

聖人合天德洪覆在元元每勞蒼生念不以黃屋尊興
化俟羣辟擇賢守列藩得人此為盛咨岳今復存降鑒

引君道殷勤啓政門容光無不照有象必為言成憲知
所奉致理歸其根肅肅稟玄猷煌煌戒朱軒豈徒任遇
重兼爾宴錫繁載聞勵臣節持答明主恩

奉和聖製送十道採訪使及朝集使

三年一上計萬國趨河洛課最力已陳賞延恩復博垂
水深共理改瑟其咸若首路迴竹符分鑣揚木鐸戒程
有攸往詔餞無淹泊昭晰動天文殷勤在人瘼持久望
茲念克終期所託行矣當自強春耕庶秋穫

奉和聖製謁玄元皇帝廟齋

興運昔有感建祠北山巔雲雷初締構日月今悠然紫
氣尚翳鬱玄元如在焉迨茲事追遠輪奐復增鮮洞府
香林處齋壇清漢邊吾君乃尊祖夙駕此留連樂動人
神會鐘成律度圓笙歌下鸞鶴芝朮萃靈仙曾是福黎
庶豈唯味虛玄賡歌徒有作微薄謝昭宣

巫山高

巫山與天近煙景長青熒此中楚王夢夢得神女靈神

女去已久雲雨空冥冥唯有巴猿嘯哀音不可聽

和黃門盧監望秦始皇陵

秦帝始求仙驪山何遽卜中年既無效茲地所宜復徒
役如雷奔珍怪亦雲蓄黔首無寄命赭衣相追逐人怨
神亦怒身死宗遂覆土崩失天下龍鬬入函谷國為項
籍屠君同華元戮始掘既由楚終焚乃因牧上宰議揚
賢中阿感桓速一聞過秦論載懷空杼軸

酬周判官巡至始興會改秘書少監見貽之作

兼呈耿廣州

惟昔遷樂土迨今已重世陰慶荷先德素風慙後裔唯
益梓桑恭豈稟山川麗于時初自勉揆已無兼濟瘠土
資勞力良書啓蒙蔽一探石室文再擢金門第既起南
宮草復掌西掖制過舉及小人便蕃在中歲亞司河海
秩轉牧江湖澁勿謂符竹輕但覺涓塵細一麾尚云忝
十駕宜求稅心息已如灰跡牽且為贅忽捧天書委將
草海隅弊朝聞循誠節夕飲蒙瘴癘義疾耻無勇盜憎

攻亦銳葵藿是傾心豺狼何反噬履險甘所受勞賢慝
相曳攬轡但荒服循陔便私第嘉慶始獲申恩華復相
繼無庸我先舉同事君猶滯當推奉使績且結拜親契
更延懷安旨曾是慮危際善謀雖若茲至理焉可替所
仗有神道况承明主惠

和吏部李侍郎見示秋夜望月憶諸侍郎之什
其卒章有前後行之戲因命僕繼作

清秋發高興涼月復間宵光逐露華滿情因水鏡搖同

時亦所見異路無相招美景向空盡歡言隨事銷忽聽
金華作誠如玉律調南宮尚為後東觀何其遼名數雖
云隔風期幸未遙今來重餘論懷此更終朝

登南嶽事畢謁司馬道士

將命祈靈嶽廻策詣真士絕跡尋一徑異香聞數里分
庭八桂樹肅容兩童子入室希把袖登牀願啓齒誘我
棄智訣迨茲長生理吸精反自然鍊藥求不死斯言眇
霄漢顧余嬰紛滓相去九牛毛慙歎知何已

九月九日登龍山

郡庭常窘東涼野求昭曠楚客凜秋時桓公舊臺上清
明風日好歷落江山望極遠何蕭條中留坐惆悵東彌
夏首關西拒荆門壯夷險雖異時古今豈殊狀先賢杳
不接故老猶可訪投弔傷昔人揮斤感前匠自為本疎
散未始忘幽尚際會非有欲往來是无安為邦復多幸
去國殊遷放且汎籬下菊還聆郢中唱灌園亦何為於
陵乃逃相

登郡城南樓

閉閣幸無事登樓聊永日
雲霞千里開洲渚萬形出
澹澄江漫飛飛度鳥疾邑人半
艦艦津樹多楓橘感別
時已屢憑眺情非一遠懷不我同
孤興與誰悉平生本
單緒邂逅承優秩謬忝為邦寄
多慙理人術駕鉛雖自
勉倉廩素非實陳力倘無効
謝病從芝朮

歲初巡屬縣登高安南樓言懷

山城本孤峻憑高結層軒
江氣偏宜早林英粲已繁餘

滋含宿霽衆妍在朝暉拂衣釋簿領伏檻遺紛喧深俯
東溪澳遠延南山樊歸雲納前嶺去鳥投遙村目盡有
餘意心惻不可諼竭來彭蠡澤載經敷淺原春及但生
思時哉無與言不才叨過舉唯力酬明恩美化猶寂蔑
迅節徒飛奔雖無成立効庶以去思論行復徇孤迹亦
云吾道存

秋晚登樓望南江入始興郡路

潦收沙衍出霜降天宇晶伏檻一長眺津途多遠情思

來江山外望盡煙雲生滔滔不自辨役役且何成我來
颯衰鬢孰云飄華纓櫪馬苦蹉跎籠禽念遐征歲陰向
晚晚日夕空屏營物生貴得性身累由近名內顧覺今
是追歎何時平

登古陽雲臺

庭樹日衰颯風霜未云已駕言遣憂思乘興求相似楚
國茲故都蘭臺有餘址傳聞襄王世仍立巫山祀方此
全盛時豈無嬋娟子色荒神女至魂蕩宮觀啓蔓草今

如積朝雲為誰起

與生公尋幽居處

同方久厭俗相與事遐討及此雲山去窅然巖徑好疑
入武陵源如逢漢陰老清諧欣有得幽閑歛盈抱我本
玉階侍偶訪金仙道茲焉求卜築所過皆神造歲晚林
始敷日晏崖方杲不種緣嶺竹豈植臨潭草即途可淹
留隨日成黼藻期為靜者說曾是終焉保今為簡書畏
祗令歸思浩

與生公遊石窟山

探秘孰云遠忘懷復爾同日尋高深意宛是神仙中躋
險構靈室詭制非人功潛洞黝無底殊庭忽似夢豈如
武安鑿自若茅山通造物良有寄嬉遊廼愜衷猶希咽
玉液從此昇雲空咄咄共攜手泠然且馭風

郡舍南有園畦雜樹聊以永日

為郡久無補越鄉空復深苟能秉素節安用叨華簪却
步園畦裏追吾野逸心形骸拘俗吏光景賴閒林內訟

誠知止外言猶匪忱成蹊謝李徑衛足感葵陰榮達豈
不偉孤生非所任江城何寂歷秋樹亦蕭森下有北流
水上有南飛禽我願從歸翼無然坐自沈

臨泛東湖

時任
洪州

郡庭日休暇湖曲邀勝踐樂職在中和靈

一作
虛

心挹上

善乘流坐清曠舉目眺悠緬林與西山重雲因北風卷
晶明晝不逮陰影鏡無辨晚秀復芬敷秋光更遙衍萬
族紛可佳一遊豈能展羈孤忝邦牧顧已非時選梁

一作

長公世不容長孺心亦褊永念出籠繫常思退疲蹇歲
徂風露嚴日恐蘭荈一作若剪佳辰不可得良會何其鮮
罷興還江城閉關聊自遣

始興南山下有林泉嘗卜居焉荊州卧病有懷
此地

出處各有在何者為陸沈幸無迫賤事聊可祛迷襟世
路少夷坦孟門未嶮嶽多慙入火術常惕履冰心一跌
不自保萬全焉可尋行行念歸路眇眇惜光陰浮生如

過隙先達已吾箴敢忘丘山施亦云年病侵力衰在所
養時謝良不任但憶舊棲息願言遂窺臨雲間目孤秀
山下面清深蘿蒿自為幄風泉何必琴歸此老吾老還
當日千金

晨坐齋中偶而成詠

寒露潔秋空遙山紛在矚孤頂乍修聳微雲復相續人
茲賞地偏鳥亦愛林旭結念憑幽遠撫躬曷羈束仰霄
謝逸翰臨路嗟疲足徂歲方睽攜歸心亟躑躅休閒倘

有素豈負南山曲

詠史

大德始無頗中智是所是居然已不一況乃務相詭小
道致泥難巧言因萋毀穰侯或見遲蘇生得陰揣輕既
長沙傳重亦邊郡徙勢傾不幸然跡在胡寧爾滄溟所
為大江漢日來委澧一作澄水雖復清魚鼈豈游此賢哉
有小白讐中有管氏若人不世生悠悠多如彼

龍門旬宴得月字韻

恩華逐芳歲形勝兼韶月中席傍魚潭前山倚龍闕花
迎妙妓至鳥避仙舟發宴賞一作良在茲再來情不歇

驪山下逍遙公舊居游集

君子體清尚歸處有兼資雖然經濟日無忘幽棲時卜
居舊何所休澣嘗來茲岑寂罕人至幽一作高深獲我思

松澗聆遺風蘭林覽餘滋往事誠已矣道存猶可追遺
子後黃金作歌先紫芝明德有自來奕世皆秉彝豈與
礪溪老崛起周太師我心希碩人逮此問元龜悵悵既

懷遠沈吟亦省私已云寵祿過況在華髮衰軒蓋有迷
復丘壑無磷緇感物重所懷何但止足斯

雜詩五首

孤桐亦胡為百尺傍無枝疎陰不自覆修幹欲何施高
岡地復迫弱植風屢吹凡鳥已相噪鳳皇安得知

蘿薦必有託風霜不能落酷在蘭將蕙甘從葵與藿運
命雖為宰寒暑自回薄悠悠天地間委順無不樂

良辰不可遇心賞更蹉跎終日塊然坐有時勞者歌庭

前攬芳蕙江上託微波路遠無能達憂情空復多

湘水弔靈妃斑竹為情緒漢水訪遊女解佩欲誰與同
心不可見異路空延佇浦上青楓林津傍白沙渚行吟
至落日坐望祇愁予神物亦豈孤佳期竟何許

木直幾自冠石堅亦他攻何言為用薄而與火膏同物

類一作累

有固然誰能取徑通纖纖良田草靡靡唯從風

日夜沐甘澤春秋等芳叢生性苟不夭香臭誰為中道
家貴至柔儒生何固窮終始行一意無乃過愚公

感遇十二首

蘭葉

一作藥

春歲蕤桂華秋皎潔欣欣此生意自爾為佳

節誰知林棲者聞風坐相

一作見

悅草木有本

一作本無

心何

求美人折

幽林歸獨卧滯慮洗孤清持此謝高鳥因之傳遠情日夕懷空意人誰感至精飛沈理自隔何所慰吾誠

魚游樂深池鳥棲欲高枝嗟爾蜉蝣羽薨薨亦何為有生豈不化所感奚若斯神理日微滅吾心安得知浩歎

楊朱子徒然泣路岐

孤鴻海上來池潢不敢顧側見雙翠鳥巢在三珠樹矯
矯珍木巔得無金丸懼美服患人指高明逼神惡今我
遊冥冥弋者何所慕

吳越數千里夢寐今夕見形骸非我親衾枕即鄉縣化
蝶猶不識川魚安可羨海上有仙山歸期覺神變

西日下山隱北風乘夕流燕雀感昏旦簷楹呼匹儔鴻
鵠雖自遠哀音非所求貴人棄疵賤下士嘗殷憂衆情

累外物恕已忘內修感歎長如此使我心悠悠

江南有丹橘經冬猶綠林豈伊地氣暖自有歲寒心可
以薦嘉客奈何阻重深運命唯所遇循環不可尋徒言
樹桃李此木豈無陰

永日徒離憂臨風懷蹇修美人何處所孤客空悠悠青
鳥跂不至朱鷺誰云浮夜分起躑躅時逝曷淹留
抱影吟中夜誰聞此歎息美人適異方庭樹含幽色白
雲愁不見滄海飛無翼鳳皇一朝來竹花斯可食

漢上有游女求思安可得袖中一札書欲寄雙飛翼冥
冥愁不見耿耿徒絨憶紫蘭秀空蹊皓露奪幽色馨香
歲欲晚感歎情何極白雲在南山日暮長太息

我有異鄉憶宛在雲溶溶憑此目不覩要之心所鍾但
欲附高鳥安敢攀飛龍至精無感遇悲惋填心胸歸來
扣寂寞人願天豈從

閉門跡羣化憑林結所思嘯歎此寒木疇昔乃芳蕤朝
陽鳳安在日暮蟬獨悲浩思極中夜深嗟欲待誰所懷

誠已矣既往不可追鼎食非吾事雲仙嘗我期胡越方
杳杳車馬何遲遲天壤一何異幽嘿卧簾帷

江上遇疾風

疾風江上起鼓怒揚煙埃白晝晦如夕洪濤聲若雷投
林鳥鍛羽入浦魚曝鰓瓦飛屋且發帆快檣已摧不知
天地氣何為此喧阗

南陽道中作

登郢屬歲陰及宛惜所適復聞東漢主遺此南都迹佳

氣藹厥初霸圖紛在昔茲邦稱貴近與世嘗薰赫遭遇
感風雲變哀空草澤不識鄧公樹猶傳陰后石驅馬歷
闔閭荆榛翳阡陌事去物無象感來心不憚懷古對窮
秋興言傷遠客眇默遵岐路辛勤弊行役雲雁號相呼
林膚走自索顧憶徇書劍未嘗安枕席豈暇墨突黔空
持遼豕白迷復期非遠歸歟賞農隙

湘中作

湘流繞南嶽絕目轉青青懷祿未能已瞻途屢所經煙

嶼宜春望林猿莫夜聽永路日多緒孤舟天復冥浮沒
從此去嗟嗟勞我形

彭蠡湖上

沿涉經大湖湖流多行決晨趨北渚逗浦已西日所
適雖淹曠中流且閑逸瑰詭良復多感見乃非一廬山
直陽潯孤石當陰術一水雲際飛數峯湖心出象類何
交糺形言豈深悉且知皆自然高下無相恤

入廬山仰望瀑布水

絕頂有懸泉喧喧出煙杪不知幾時歲但見無昏曉閃
閃青崖落鮮鮮白日皎灑流濕行雲濺沫驚飛鳥雷吼
何噴薄箭馳入窈窕昔聞山下蒙今乃林巒表物情有
詭激坤元曷紛矯默然置此去變化誰能了

出為豫章郡途次廬山東巖下

茲山鎮何所乃在澄湖陰下有蛟螭伏上與虹蜺尋靈
仙未始曠窟宅何其深雙闕出雲峙三宮入煙沈攀崖
猶昔境種杏非舊林想像終古跡惆悵獨往心紛吾嬰

世網數載忝朝簪孤根自靡託量力況不任多謝周身
防常恐橫議侵豈非鵷鴻列惕如泉壑臨迨茲刺江郡
來此滌塵襟有趣逢樵客忘懷狎野禽棲閑義未果用
拙歡在今願言答休命歸事丘中琴

巡屬縣道中作

春令夙所奉駕言遵此行途中却郡椽林下招村氓至
邑無紛劇來人但歡迎豈伊念邦政爾實在時清短才
濫符竹弱歲起柴荆再入江村道永懷山藪情矧逢陽

節獻默聽時禽鳴迹與素心別感從幽思盈流芳日不
待夙志蹇無成知命且何欲所圖唯退耕華簪極身泰
衰鬢慙木榮苟得不可遂吾其謝世嬰

夏日奉使南海在道中作

緬然萬里路赫曦三伏時飛走逃深林流爍恐生疵行
李豈無苦而我方自怡肅事誠在公拜慶遂及私展力
慙淺效銜恩感深慈且欲湯火蹈沉無鬼神欺朝發高
山阿夕濟長江湑秋瘴寧我毒夏水胡不夷信知道存

者但問心所之呂梁有出入乃覺非虛詞

巡按自灘水南行

理棹雖云遠飲冰寧有惜況乃佳山川怡然傲潭石奇
峯岌前轉茂樹隈中積猿鳥聲自呼風泉氣相激目因
詭容逆心與清暉滌紛吾謬執簡行郡將移檄即事聊
獨歡素懷豈兼適悠悠詠靡盬以窮日夕

使還都湘東作

倉庚昨歸候陽鳥今去時感物遽如此勞生安可思養

真無上格圖進豈前期清節往來苦壯容離別哀盛明
非不遇弱操自云私孤楫清川泊征衣寒露滋風朝津
樹落日夕嶺猿悲牽役而無悔坐愁祗自怡當須報恩
已終爾謝塵縑

冬中至玉泉山寺屬窮陰冰閉崖谷無色及仲
春行縣復往焉故有此作

靈境信幽絕芳時重暄妍再來及茲勝一遇非無緣萬
木柔可結千花敷欲然松間鳴好鳥竹下流清泉石壁

開精舍金光照法筵真空本自寂假有聊相宣復此灰
心者仍追巢頂禪簡書雖有畏身世亦相一作俱捐

郢城西北有大古塚數十觀其封域多是楚時
諸王而年代久遠不復可識唯直西有樊妃塚
因後人為植松柏故行路盡知之

蘋藻生南澗蕙蘭秀中林嘉名有所在芳氣無幽深楚
子初逞志樊妃嘗獻箴能令更擇士非直罷從禽舊國
皆湮滅先王亦莫尋唯傳賢媛隴猶結後人心牢落山

川意蕭疎松柏陰
破墻時直上荒徑
或斜侵惠問終不
絕風流獨至今
千春思窈窕黃鳥復哀音

荊州作二首

先達志其大求意不約
文士伸在知己已況仕於君微
誠夙所尚細故不足云
時來忽易失事往良難分
顧念凡近姿焉欲殊常
勲亦以行則是豈必素有聞
千慮且猶失萬緒何其紛
進士苟非黨免相安得羣
衆口金可鑠孤心絲共棼
意忠仗朋信語勇同敗軍
古劍徒有氣

幽蘭祗自薰高秩向所忝於義如浮雲

千載一遭遇往賢所至難問余奚為者無階忽上搏明
聖不世出翼亮非苟安崇高自有配孤陋何足干遇恩
一時來竊位三歲寒誰謂誠不盡知窮力亦殫雖至負
乘寇初無挾術鑽浩蕩出江湖翻覆如波瀾心傷不材
樹自念獨飛翰徇義在匹夫報恩猶一餐況乃山海澤
效無毫髮端內訟已慙沮積毀今摧殘胡為復惕息傷
鳥畏虛彈

在郡秋懷二首

秋風入前林蕭瑟鳴高

一作寒

枝寂寞遊子思寤歎何人

知宦成名不立志存歲已馳五十而無聞古人深所疵
平生去外飾直道如不羈未得操割效忽復寒暑移物
情自古然身退毀亦隨悠悠滄江渚望望白雲涯露下
霜且降澤中草離披蘭艾若不分安用馨香為

庭蕪生白露歲候感遐心策蹇慙遠途巢枝思故林小
人恐致寇終日如臨深魚鳥好自逸池籠安所欽挂冠

東都門採巖南山岑議道誠愧昔覽分還慙今憮然憂
成老空爾白頭吟

忝官二十年盡在內職及為郡嘗積戀因賦詩
焉

江流去朝宗晝夜茲不舍仲尼在川上子牟存闕下聖
達有由然孰是無心者一郡苟能化百城豈云寡愛禮
誰為羊戀主吾猶馬感初時不載思奮翼無假開宇常
自閉沈心何用寫攬衣步前庭登陴臨曠野白水生迢

遞清風寄瀟灑願言采芳澤終朝不盈把

二弟宰邑南海見羣雁南飛因成詠以寄

鴻雁自北來嗷嗷度煙景常懷稻梁惠豈憚江山永
大每相從羽毛當自整雙鳬侶晨泛獨鶴叅宵警為我
更南飛因書至梅嶺

將發還鄉示諸弟

歲陽亦頽止林意日蕭摵云胡當此時緬邁復為客至
愛孰能捨名義來相迫負德良不貲輸誠靡所惜一木

逢厦構纖塵願山益無力主君恩寧利客卿壁去去榮
歸養憮然歎行役

叙懷二首

弱歲讀羣史抗迹追古人被褐有懷玉佩印從負薪志
合豈兄弟道行無賤貧孤根亦何賴感激此為鄰

晚節從卑秩岐路良非一既聞持兩端復見挾三術木
爪誠有報玉楮論無實已矣直躬者平生壯圖失去去
勿重陳歸來茹芝朮

題畫山水障

心累猶不盡果為物外牽偶因耳目好復假丹青妍嘗
抱野閒意而迫區中緣塵事固已矣秉意終不遷良工
適我願妙墨揮巖泉變化合羣有高深侔自然置陳北
堂上倣像南山前靜無戶庭出行已茲地偏萱草憂可
樹合歡忿益蠲所因本微物況乃憑幽筌言象會自泯
意色聊自宣對玩有佳趣使我心渺綿

奉和聖製瑞雪篇

萬年春三朝日上御明臺旅庭實初瑞雪兮霏微俄同
雲兮蒙密此時騷切陰風生先過金殿有餘清信宿嬋
娟飛雪度能使玉人俱掩嫋皓皓樓前月初白紛紛陌
上塵皆素昨訝驕陽積數旬始知和氣待迎新匪惟在
人利曾是扶一作占天意天意豈云遥雪下不崇朝皇情
玩無斁雪委方盈尺草樹紛早榮京坻宛先積君恩誠
謂何歲稔復人和預數斯箱慶應如此雪多朝冕旒兮
載悅想簞笠兮農節倚瑤琴兮或歌續薰風兮瑞雪福

浸昌應尤盛瑞雪年年常感聖願以柏梁作長為柳花
詠

奉和聖製溫泉歌

有時神物待聖人去後湯還冷來時樹亦春今茲十月
自東歸羽旆逶迤上翠微溫泉谷葱葱佳氣色離宮奕奕
叶光輝臨渭川近天邑浴日溫泉復在茲羣仙洞府那
相及吾君利物心玄澤浸蒼黔漸漬神湯無疾苦薰歌
一曲感人深

南郊太尉酌獻武舞作凱安之樂

馨香惟后德
明命光天保
肅祀崇聖靈
陳信表黃道
玉戚初蹈厲
金匏既靜好
介福何穰穰
精誠格穹昊

御定全唐詩卷四十七

欽定四庫全書

御定全唐詩卷四十八

張九齡

奉和聖製經孔子舊宅

孔門太山下不見登封時徒有先王法今為明主思恩
加萬乘幸禮致一牢祠舊宅千年外光華空在茲

奉和聖製次瓊嶽韻

山祇亦望幸雲雨見靈心嶽館逢朝霽關門解宿陰咸

京天上近清渭日邊臨我武因冬狩何言是即禽

奉和聖製送李尚書入蜀

眷言感忠義何有間山川徇節今如此離情空復然
皇心在勤恤德澤委昭宣周月成功後明年或勞還

奉和聖製初出洛城

東上淹龍駕西人望翠華山川祇詢物宮觀豈為家
十月回星斗千官捧日車洛陽無怨思巡幸更非賒

奉和聖製途次陝州作

馳道當河陝陳詩問國風川原三晉別襟帶兩京同後
殿函關盡前旌闕塞通行者洛陽陌光景麗天中

勅賜寧王池宴

賢王有池館明主賜春遊淑氣林間發恩光水上浮徒

慙

一作
參

和鼎地終謝巨

一作
濟

川舟皇澤空如此輕生莫

可酬

天津橋東旬宴得歌字韻

清洛象天河東流形勝多朝來逢宴喜春盡却妍和泉

鮪歡時躍林鶯醉裏歌賜恩頻若此為樂奈人何

上陽水窗旬宴得移字韻

河漢非應到汀洲忽在斯仍逢帝樂下如逐海槎窺春
賞時將換皇恩歲不移今朝遊宴所莫比天泉池

折楊柳

纖纖折楊柳持此寄情人一枝何足貴憐是故園春遲
景那能久芳菲不及新更愁征戍客容鬢老邊塵

剪綵

姹女矜容色為花不讓春
既爭芳意早誰待物華真
葉作叅差發枝從點綴新
自然無限態長在艷陽晨

一作人

和崔黃門寓直夜聽蟬之作

蟬嘶玉樹枝向夕惠風吹
幸入連宵聽緣飲露知思
深秋欲近聲靜夜相宜不
是黃金飾清香徒爾為

和姚令公從幸溫湯喜雪

萬乘飛黃馬千金孤白裘
正逢銀霰積如白玉京遊
瑞色鋪馳道花文拂綵旒
還聞吉甫頌不共郢歌儔

立春日晨起對積雪

忽對林亭雪瑤華處處開今年迎氣始昨夜伴春回玉
潤窗前竹花繁院裏梅東郊齋祭所應見五神來

三月三日申王園亭宴集

稽亭追往事睢苑勝前聞飛閣凌芳樹華池落綵雲藉
草人留酌銜花鳥赴羣向來同賞處惟恨碧林曛

三月三日登龍山

伊川與灞津今日被除人豈似龍山上還同湘水濱衰

顏憂更老淑景望非春
襖飲非吾事聊將偶俗塵

和王司馬折梅寄京邑昆弟

離別念同嬉芬榮欲共持
獨攀南國樹遙寄北風時
林惜迎春早花愁去日遲
還聞折梅處更有棣華詩

晚霽登王六東閣

試上江樓望初逢山雨晴
連空青嶂合向晚白雲生
彼美要殊觀蕭條見遠情
情來不可極日暮水流清

蘇侍郎紫微庭各賦一物得芍藥

仙禁生紅藥微芳不自持幸因清切地還遇艷陽時名
見桐君錄香聞鄭國詩孤根若可用非直愛華滋

和黃門盧侍御詠竹

清切紫庭垂歲蕤防露枝色無玄月變聲有惠風吹高
節人相重虛心世所知鳳皇佳可食一去一來儀

和韋尚書答梓州兄南亭宴集

棠隸聞餘興烏衣有舊遊門前杜城陌池上曲江流暇
日嘗繁會清風詠阻修始知西峙嶽同氣此相求

陸平
原贈

弟有子為東
峙嶽之句

答陳拾遺贈竹簪

與君嘗此志因物復知心
遺我龍鍾節非無玳瑁簪
幽素宜相重雕華豈所任
為君安首飾懷此代兼金

贈澧陽韋明府

君有百鍊刃堪斷七重犀
誰開太阿匣持割武城雞
竟與尚書佩遙應天子提
何時遇操宰當使玉如泥

在洪州答綦母學士

旬雨不愆期由來自若時爾無言郡政吾豈欲天欺常
念涓塵益惟歡草樹滋課成非所擬人望在東菑

酬王六霽後書懷見示

雲雨俱行罷江天已洞開炎氛霽後滅邊緒望中來作
驥君垂耳為魚我曝鰓更憐湘水賦還是洛陽才

酬王六寒朝見詒

賈生流寓日揚子寂寥時在物多相背唯君獨見思漁
為江上曲雪作郢中詞忽枉蕪金訊長懷伐木詩

林亭詠

穿竹非求麗幽閑欲寄情
偶懷因壤石真意在蓬瀛
苔益山文古池添竹氣清
從茲果蕭散無事亦無營

晨出郡舍林下

晨興步北林蕭散一開襟
復見林上月娟娟猶未沉
片雲自孤遠叢篠亦清深
無事由來貴方知物外心

園中時蔬盡皆鋤理唯秋蘭數本委而不顧彼
雖一物有足悲者遂賦二章

場藿已成歲園葵亦向陽
蘭時獨不偶露節漸無芳
昔異菁為蓄甘非蔗有漿
人多利一飽誰復惜馨香

幸得不鋤去孤苗守舊根
無心羨昔蓄豈欲近名園
遇賞寧充佩為生莫礙門
幽林芳意在非是為人論

林亭寓言

林居逢歲晏遇物使情多
蘅茝不時與芬榮奈汝何
更憐籬下菊無如松上蘿
因依自有命非是隔陽和

送使廣州

家在湘源住君今海嶠行經過正中道相送倍為情心
逐書郵去形隨世網嬰因聲謝遠別緣義不緣名

送姚評事入蜀各賦一物得卜肆

蜀嚴化已久沉冥空所思嘗聞賣卜處猶憶下簾時驅
傳應經此懷賢倘問之歸來說往事歷歷偶心期

送竇校書見餞得雲中辨江樹

江水天連色無涯淨野氛微明岸傍樹凌亂渚前雲舉
棹形徐一作隨轉登艫意漸分渺茫從此去空復惜離羣

餞王司馬入計同用洲字

元寮行上計舉餞出林丘
忽望題輿遠空思解榻遊別
筵鋪柳岸征棹倚蘆洲
獨歎湘江水朝宗向北流

東湖臨泛餞王司馬

南土秋雖半東湖草未黃
聊乘風日好來泛芰荷香
蘭棹無勞速菱歌不厭長
忽懷京洛去難與共清光

餞濟陰梁明府各探一物得荷葉

荷葉生幽渚芳華信在茲
朝朝空此地采采欲因誰
但

恐星霜改還將蒲稗衰懷君美人別聊以贈心期

錢陳學士還江南同用徵字

荷篠旋江澳銜杯餞霸陵別前林鳥息歸處海烟凝風
土鄉情接雲山客念憑聖朝巖穴選應待鶴書徵

通化門外送別

屢別容華改長愁意緒微義將私愛隔情與故人歸薄
宦無時賞勞生有事機離魄今夕夢先繞舊林飛

送楊道士往天台

鬼谷還成道天台去學仙行應松子化留與世人傳此
地烟波遠何時羽駕旋當湏一把袂城郭共依然

送楊府李功曹

平生屬良友結綬望光輝何知人事拙相與宦情非別
路穿林盡征帆際海歸居然已多意況復兩鄉違

送宛句趙少府

解巾行作吏尊酒謝離居修竹含清景華池澹碧虛地
將幽興愜人與舊遊疎林下紛相送多逢長者車

送韋城李少府

送客南昌尉離亭西候春花省欲盡林鳥聽猶新別
酒青門路歸軒白馬津相知無遠近萬里尚為鄰

送蘇主簿赴偃師

我與文雄別胡然邑吏

一作使

歸賢人安下位鷺鳥欲卑

飛激節輕華冕移官徇綵衣羨君行樂處從此拜庭闈

送廣州周判官

海郡雄蠻落津亭壯越臺城隅百雉映水曲萬家開里

樹枕榔出時禽翡翠來觀風猶未盡早晚使車回

郡南江上別孫侍御

雲嶂天涯盡川途海縣窮何言此地僻忽與故人同身
負邦君弩情紆御史驄王程不我駐離思逐秋風

道逢北使題贈京邑親知

征驂稍靡靡去國方遲遲路遶南登岸情搖北上旗故
人憐別日旅雁逐歸時歲晏無芳草將何寄所思

江上使風呈裴宣州耀卿

江路與天連，風帆何淼然。
遙林浪出沒，孤舫鳥聯翩。
常愛千鈞重，深思萬事捐。
報恩非徇祿，還逐賈人船。

溪行寄王震

山氣朝來爽，溪流日向清。
遠心何處愜，閑棹此中行。

一作

轉逢空闊處
聊洗滯留情

叢桂林間待羣鷗，水上迎徒然。
適我願幽

獨為誰情

自豫章南還江上作

歸去南江水，磷磷見底清。
轉逢空闊處，聊洗滯留情。
浦

樹遙如待江鷗近若迎津途別有趣况乃濯吾纓

將至岳陽有懷趙二

湘岸

一作浦

多深林青冥晝結陰獨無謝客賞况復賈生

心草色雖云發天光或未臨江潭非所遇為爾白頭吟

使還湘水

歸舟宛何處正值楚江平夕逗烟村宿朝緣浦樹行于
役已彌歲言旋今愜情鄉郊尚千里流目夏雲生

初發道中寄遠

日夜鄉山遠秋風復此時舊聞胡馬思今聽楚猿悲念
別朝昏苦懷歸歲月遲壯圖空不息常恐髮如絲

自湘水南行

落日催行舫逶迤洲渚間雖云有物役乘此更休閑
暝色生前浦清暉發近山中流澹容與唯愛鳥飛還

初入湘中有喜

征鞍窮郢路歸棹入湘流望鳥唯貪疾聞猿亦罷愁
兩邊楓作岸數處橘為洲却記從來意翻疑夢裏遊

耒陽溪夜行

乘夕棹歸舟緣源路轉幽月明看嶺樹風靜聽溪流嵐
氣船間入霜華衣上浮猿聲雖此夜不是別家愁

江上

長林何繚繞遠水復悠悠盡日餘無見為心那不愁憶
將親愛別行為主恩酬感激空如此芳時屢已道

自彭蠡湖初入江

江岫殊空闊雲烟處處浮上來羣噪鳥中去獨行舟窄

落誰相顧逶迤日自愁更將心問影于役復何求

赴使龍峽

溪路日幽深寒空入兩嶽霜清百丈水風落萬重林夕
鳥聯歸翼秋猿斷去心別離多遠思況乃歲方陰

湖口望廬山瀑布泉

萬丈洪

一作紅

泉落迢迢半紫氛奔飛流

一作下

雜樹灑落

出重雲日照虹蜺似天清風雨聞靈山多秀色空水共

氤氲

湏陽峽

行舟傍越岑窈窕越溪深水暗先秋冷山晴當晝陰重
林間五色對壁聳千尋惜此生遐遠誰知造化心

使至廣州

昔年嘗不調茲地亦遭回本謂雙鳬少何知駟馬來人
非漢使索郡是越王臺去去雖殊事山川長在哉

春江晚景

江林多

一作皆

秀發雲日復相鮮征路那逢此春

一作鄉

心

益渺然興來祇自得佳氣莫能傳薄暮津亭下餘花滿
客船

與王六履震廣州津亭曉望

明發臨前渚寒

一作潮

來淨遠空水紋天上碧日氣海邊

紅景物紛為異人情賴此同乘槎

一作槎

自有適非欲破

長風

初發曲江溪中

溪流清且深松石復陰臨正爾可嘉處胡為無賞心我

由不忍別物亦有緣侵自匪常行邁誰能知此音

旅宿淮陽亭口號

一作宋之問詩

日暮荒亭上悠悠旅思多故鄉臨桂水今夜渺星河暗
草霜華發空亭雁影過興來誰與晤勞者自為歌

望月懷遠

海上生明月天涯共此時情人怨遙夜竟夕起相思滅
燭憐光滿披衣覺露滋不堪盈手贈還寢夢佳期

秋夕望月

清迴江城月流光萬里同所思如夢裏相望在庭中皎
潔青苔露蕭條黃葉風含情不得語頻使桂華空

詠燕

海燕何微眇垂春亦暫來豈知泥滓賤祇見玉堂開繡
戶時雙入華軒日幾回無心與物競鷹隼莫相猜

故刑部李尚書荊谷山集會

嘗聞繼老聃身退道彌耽結宇倚青壁疏泉噴碧潭苔
石隨人古煙花寄酒酣山光紛向夕歸興杜城南

戲題春意

一作江南守江林三四春相鳴不及鳥相樂喜關人日
守朱絲直年催華髮新淮陽祇有卧持此度芳辰

庭梅詠

芳意何能早孤榮亦自危更憐花帶弱不受歲寒移朝
雪那相妬陰風已屢吹馨香雖尚爾飄蕩復誰知

聽箏

端居正無緒那復發秦箏纖指傳新意繁絃起怨情悠

揚思欲絕掩抑態還生豈是聲能感人心自不平

初秋憶金均兩弟

江渚秋風至他鄉離別心孤雲愁自遠一葉感何深憂
喜嘗同域飛鳴忽異林青山西北望堪作白頭吟

秋懷

感惜芳時換誰知客思懸憶隨鴻向煖愁學馬思邊留
滯機還息紛拏網自牽東南起歸望何處是江天

故刑部李尚書挽詞三首

仙宗出趙北相業起山東明德嘗為禮嘉謀屢作忠論
經白虎殿獻賦甘泉宮與善今何在蒼生望已空

宿昔三台踐榮華駟馬歸印從青瑣拜翰入紫宸揮題
劍恩方重藏舟事已非龍門不可望感激涕沾衣

永歎常山寶沉埋京兆阡同盟會五月華表記千年渺
漫野中草微茫空裏煙共悲人事絕唯對杜陵田

故徐州刺史贈吏部侍郎蘇公挽歌詞三首

韋玄方繼相荀爽復齊名在貴兼天爵能賢出世卿學

聞金馬詔神見玉人清藏壑今如此為山遂不成
相如只謝病子敬忽云亡豈悟瑤臺雪分彫玉樹行清
規留草議故事在封章本謂山公啓而今歿始揚
返葬長安陌秋風簫鼓悲奈何相送者不是平生時寒
影催年急哀歌助晚遲寧知建旗罷丹旆向京師

故滎陽君蘇氏挽歌詞三首

門緒公侯列嬪風詩禮行松蘿方有寄桃李忽無成劍
去雙龍別雛哀九鳳鳴何言嶧山樹還似半心生

永歎芳魂斷行者草露滋二宗榮盛日千古別離時竟
罷生芻一作香贈空留畫扇悲容車候曉發何歲是歸期
縞服紛相送玄扃翳不開更悲泉火滅徒見柳車回舊
室容衣奠新塋拱樹栽唯應月照簾潘岳此時哀

睢州康司馬挽歌詞

家受專門學人稱入室賢劉楨徒有氣管輅獨無年謫
去長沙國魂歸京兆阡從茲匣中劍埋沒罷衝天

奉和聖製早發三鄉山行

羽衛森森西向秦山川歷歷在清晨晴雲稍卷寒巖樹
宿雨能一作微銷御路塵聖德由來合天道靈符即此應
時巡遺賢一一皆羈致猶欲高深訪隱淪

奉和聖製龍池篇

天啓神龍生碧泉泉水靈源浸迤延飛龍已向珠潭出
積水仍將銀漢連岸傍花柳看勝畫浦上樓臺問是仙
我后元符從此得方為萬歲壽圖川

御定全唐詩卷四十八

欽定四庫全書

御定全唐詩卷四十九

張九齡

奉和聖製南郊禮畢酺宴

配天昭聖業率土慶輝光
春發三條路酺開百戲場
流恩均庶品縱觀聚康莊
妙舞來平樂新聲出建章
分曹日抱戴赴節鳳歸昌
率奏承雲樂同晞湛露陽
氣和皆有感澤厚自無疆
飽德君臣醉連歌奉柏梁

奉和聖製早渡蒲津關

魏武中流處軒皇問道回長堤春樹發高掌曙雲開龍
負王舟渡人占仙氣來河津會日月天仗役風雷東顧
重關險西馳萬國陪還聞股肱郡元首詠康哉

奉和聖製同二相南出雀鼠谷

設險諸侯地承平聖主巡東君朝二月南旆擁三辰寒
出重關盡年隨行漏新瑞雲叢捧日芳樹曲迎春舞詠
先馳道恩華及從臣汾川花鳥意併奉屬車塵

奉和聖製經河上公廟

昔者河邊叟誰知隱與仙姓名終不識章句此空傳跡
為坐忘晦言猶強著詮精靈竟何所祠宇獨依然道在
紆宸睠風行動睿篇從茲化天下清淨復何先

奉和聖製送尚書燕國公赴朔方

宗臣事有征廟筭在休兵天與三台座人當萬里城朔
南方偃草河右一作北暫揚旌寵錫從仙禁光華出漢京

山川勤遠略原隰軫皇情為奏薰琴唱仍題寶劍名聞

風六郡伏計日五戎平山甫歸應疾留侯功復成歌鍾
旋可望衽席豈難行四牡何時入吾君憶履聲

奉和聖製途經華山

萬乘華山下千巖雲漢中靈居雖宵密睿覽忽玄同日
月臨高掌神仙仰大風攢峰勢岌岌翊輦氣雄雄揆物
知幽贊銘勲表聖衷會應陪玉檢來此告成功

奉和聖製早登太行山率爾言志

孟月攝提貞乘時我后征晨嚴九折度暮戒六軍行日

御馳中道風師卷太清
戈鋌林表出組練雪間明
動植希皇豫高深奉睿情
陪遊七聖列望幸百神迎
氣色煙猶喜恩光草尚榮
之罍稱萬歲今此復同聲

奉和聖製登封禮畢洛城酺宴

大君畢能事端宸樂成功
運與千齡合歡將萬國同
漢酺歌聖酒韶樂舞薰風
河洛榮光遍雲煙喜氣通
春華頻覺早天澤倍知崇
草木皆沾被猶言不在躬

恩賜樂遊園宴應制

寶筵延厚

一作錫

命供帳序羣公形勝宜春接威儀建禮

同晞陽人似露解暍物從風朝慶千齡始年華二月中
輝光遍草木和氣發絲桐歲歲無為化寧知樂九功

奉和聖製過王濬墓

漢王思鉅鹿晉將在弘農入蜀舉長算平吳成大功與
渾雖不協歸皓實為雄孤績淪千載流名感聖衷萬乘
度荒隴一顧凜生風古節猶不棄今人爭効忠

奉和吏部崔尚書雨後大明朝堂望南山

迢遞終南頂朝朝閭闔前
竭來青綺外高在翠微先
雙鳳褰為闕羣龍儼若仙
還知到玄圃更是謁甘泉
夜雨塵初滅秋空月正懸
詭容紛入望霽色宛成妍
東極華陰踐西彌嶠冢連
奔峰出嶺外瀑水落雲邊
漢帝宮將苑商君陌與阡
林華鋪近甸煙靄遶晴川
既庶仁斯及分憂政已宣
山公啓事罷吉甫頌聲傳
濟濟金門步洋洋玉樹篇
徒歌雖有屬清越豈同年

和崔尚書喜雨

積陽雖有晦經月未為災上念人天重先祈雲漢回仁
心及草木號令起風雷照爛陰霞止文紛瑞雨來三辰
破叅稷四達屏氛埃池溜因添滿林芳為灑開聽中聲
滴瀝望處影徘徊惠澤成豐歲昌言發上才無論驗石
鼓不是御雲臺直頌皇恩浹崇朝遍九垓

和許給事中直夜簡諸公

未央鐘漏晚仙宇藹沈沈武衛千廬合嚴局萬戶深左
掖知天近南窗見月臨樹搖金掌露庭徙玉樓陰他日

聞更直中宵屬所欽聲華大國寶夙夜近臣心逸興乘
高閣雄飛在禁林寧思竊抃者情發為知音

和蘇侍郎小園夕霽寄諸弟

清風閭闔至軒蓋承明歸雲月愛秋景林堂開夜扉何
言蕪濟日尚與宴私違興逐蕪葭變文因棠棣飛人倫
用忠孝帝德已光輝贈弟今為貴方知陸氏微

酬宋使君見贈之作

時來不自意宿昔謬樞衡翊聖負明主妨賢媿友生罷

歸猶右職待罪尚南荆政有留棠舊風因繼組成一作清

高軒一作軒車問疾苦烝一作黎庶荷仁明衰廢時所薄祇言

僚故一作舊情

酬宋使君見詒

陟鄰初稟訓獻策幸逢時朝列且云忝君恩復若茲庭
闈際海曲輶傳荷天慈顧已歡烏鳥聞君泣素絲才明
應主召福善豈神欺但願白心在終然涅不淄

酬通事舍人寓直見示篇中兼起居陸舍人景

獻

軒掖殊清秘才華固在斯興因膏澤灑情與惠風吹所
美應人譽何私亦我儀同聲感喬木比翼謝長離價以
陸生減賢慙鮑叔知薄遊嘗獨媿芳訊乃蕪施此夜金
閨籍伊人瓊樹枝飛鳴復何遠相顧幸媿媿

與素補闕尋蔡拾遺會此公出行後蔡有五韻
詩見贈以此篇答焉

轍迹陳家巷詩書孟子鄰偶來乘興者不值草玄人契

是忘年合情非累日申聞君還薄暮見春及茲辰贈我
如瓊玖將何報所親

酬趙二侍御使西軍贈兩省舊僚之作

石室先鳴者金門待詔同操刀嘗願割持斧竟稱雄應
敵兵初起緣邊虜欲空使車經隴月征旆繞河風忽枉
燕金訊非徒秣馬功氣清

一作
凌

蒲海曲聲滿柏臺中顧

已塵華省欣君震遠戎明時獨匪報嘗欲退微躬

武司功初有幽庭春暄見貽夏首獲見以詩報

焉

芳月盡離居幽懷重起予雖言春事晚尚想物華初遲
日曠方照高齋澹復虛筍成林向密花落樹應疎贈鯉
情無間求鶯思有餘暄妍不相待含歎欲焉如

酬王履震遊園林見貽

宅生惟海縣素業守郊園中覽霸王說上徵明主恩一
行罷蘭徑數載歷金門既負潘生拙俄從周任言逶迤
戀軒陛蕭散反丘樊舊逕稀人跡前池耗水痕併省芳

樹老唯覺敝廬存自我棲幽谷逢君翳覆盆孟軻應有
命賈誼得無冤江上行傷遠林間偶避喧地偏人事絕
時霽鳥聲繁獨善心俱閉窮居道共尊樂因南澗藻憂
豈北堂萱幽意加投漆新詩重贈軒平生徇知己窮達
與君論

餞王尚書出邊

漢相推人傑殷宗伐鬼方還聞出將重坐見即戎良上
策應為豫中權且用光令申兵氣倍威憺

一作
憺

虜魂亡

樹比公孫大城如道濟長夏雲登隴首秋露泣遼陽武
德舒宸睭文思餞樂章感恩身既許激節膽猶嘗祖帳
傾朝列軍麾駐道傍詩人何所詠尚父欲鷹揚

送趙都護赴安西

將相有更踐簡心良獨難遠圖嘗畫地超拜乃登壇戎
即崑山序車同渤海單義無中國費情必遠人安他日
文兼武而今粟且寬自然來月窟何用刺樓蘭南至三
冬晚西馳萬里寒封侯自有處征馬去嘽嘽

奉使自藍田玉山南行

征驂入雲壑始憶步金門通籍微軀幸歸途明主恩匪
唯徇行役兼得慰晨昏是節暑云熾紛吾心所尊海縣
且悠緬山郵日駿奔徒知惡囂事未暇息陰論曉武經
陳迹衡湘指故園水聞南澗險煙望北林繁遠靄千巖
合幽聲百籟喧陰泉夏猶凍陽景晝方曠懿此高深極
徒令夢想存盛明期有報長徃復奚言

賀給事嘗詣蔡起居郊館有詩因命同作

記言聞直史築室面層阿豈不承明入終云幽意多沈
冥高士致休澣故人過前嶺遊氛滅中林芳氣和茲辰
阻佳趣望美獨如何

南山下舊居閑放

祗役已云久乘閑反服初塊然屏塵事幽獨坐林間清
曠前山遠紛喧此地疎喬木凌青霤修篁媚綠渠耳和
繡翼鳥目暢錦鱗魚寂寞心還間

一作閑

飄飄體自虛興

來命旨酒臨罷閱仙書但樂多幽意寧知有毀譽尚想

爭名者誰云要路居都忘下流歎傾奪竟何如

高齋閑望言懷

高齋復晴景延眺屬清秋風物動歸思煙林生遠愁紛
吾自窮海薄宦此中州取路無高足隨波適下流歲華
空冉冉心曲且悠悠坐惜芳時歇胡然久滯留

別鄉人南還

橘柚南中煖桑榆北地陰何言榮落異因見別離心吾
亦江鄉子思歸夢寐深聞君去水宿結思渺雲林牽綴

從浮事遲回謝所欽東南行舫遠秋浦念猿吟

初發江陵有懷

極望涔陽浦江天渺不分扁舟從此去鷗鳥自為羣他
日懷真賞中年負俗紛適來果微尚倏爾會斯文復想
金閨籍何如夢渚雲我行多勝寄浩思獨氛氲

同綦母學士月夜聞雁

棲宿豈無意飛飛更遠尋長途未及半中夜有遺音月
思關山笛風號流水琴空聲兩相應幽感一何深避繳

歸南浦離羣叫北林
聯翩俱不定憐爾越鄉心

登總持寺閣

香閣起崔嵬高高沙版開
攀躋千仞上紛詭萬形來
草間商君陌雲重漢后臺
山從函谷斷川向丰城回
林裏春容變天邊客思催
登臨信為美懷遠獨悠哉

晚憩王少府東閣

披軒肆流覽雲壑見深重
空水秋彌淨林煙晚更濃
坐隅分洞府簷際列羣峰
窈窕生幽意參差多異容
還慙

大隱跡空想列仙蹤
賴此昇攀處蕭條得所從

登城樓望西山作

城樓枕南浦日夕顧西山
宛宛鸞鶴處高高煙霧間
仙井今猶在洪厓久不還
金縑莫我授羽駕亦難攀
簷際千峰出雲中一鳥閑
縱觀窮水國游思徧人寰
勿復塵埃事歸來且閉關

祠紫蓋山經玉泉山寺

指塗躋楚望策馬傍荆岑
稍稍松篁入泠泠礧谷深
觀

竒逐幽映歷險忘嶮嶽上界投佛影中天揚梵音焚香
懺在昔禮足誓來今靈異若有對神仙真可尋高僧聞
逝者遠一作絕俗是初心蘇駁經行處俸啼燕坐林歸真
已寂滅留迹豈埋沉法地自茲廣何云千萬金

洪州西山祈雨是日輒應因賦詩言事

茲山蘊靈異走望良有歸丘禱雖已久眈心難重違遲
明申藻薦先夕旅巖扉獨宿雲峰下蕭條人吏稀我來
不外適幽抱自中微靜入風泉奏涼生松栝圍窮年滯

遠想寸晷閱清暉
虛羨悵無屬素情
緘所依詭隨嫌弱
操羈束謝貞肥義
濟亦吾道誠存為
物祈靈心條已應
甘液幸而飛閑閣
且無責隨車安敢
希多慙德不感知
復是耶非

經江寧覽舊跡至玄武湖

南國更數世北湖方十洲
天清華林苑日晏景陽樓
果

下回仙騎津傍駐綵旂

一作流

鳬鷺喧鳳管荷芰鬪

一作暗

龍舟七子陪詩賦
千人和棹謳應言
在鎬樂不讓橫汾

秋風俗因紆慢江山成易由駒王信不武孫叔是無謀
佳氣日將歇霸功誰與修桑田東海變麋鹿姑蘇遊否
運爭三國康時劣九州山雖幕府在館豈豫章留水淀
還相閱菱歌亦故道雄圖不足問唯想事風流

登襄陽峴山

一本峴山
上有恨字

昔年亟攀踐征馬復來過信若山川舊誰如歲月何蜀
相吟安在羊公碣已磨令圖猶寂寞嘉會亦蹉跎宛宛
樊城岸悠悠漢水波逶迤春日遠感寄客情多地本原

林秀朝來煙景和同心不同賞留歎此巖阿

登荊州城樓

天宇何其曠江城坐自拘層樓百餘尺迢遞在西隅
暇日時登眺荒郊臨故都累累見陳迹寂寂想雄圖
古往山川在今來郡邑殊北疆雖入鄭東距豈防吳
幾代傳荊國當時敵陝鄂上流空有處中土復何虞
枕席夷三峽關梁豁五湖承平無異境守隘莫論夫
自罷金門籍來參竹使符端居向林藪微尚在桑榆
直似王陵戢非

如甯武愚今茲對南浦垂雁與雙鳬

登樂遊原春望書懷

城隅有樂遊表裏見皇州策馬既長遠雲山亦悠悠萬
壑清光滿千門喜氣浮花間直城路草際曲江流憑眺
茲為美離居方獨愁已驚玄髮換空度綠萋柔奮翼籠
中鳥歸心海上鷗既傷日月逝且欲桑榆收豹變焉能
及鶯鳴非可求願言從所好初服返林丘

候使登石頭驛樓作

山檻憑南

一作高

望川途眇北流遠林天翠合前浦日華

浮萬井緣津渚千艘咽渡頭漁商多末事耕稼少良疇
自守陳蕃榻嘗登王粲樓徒然騁目處豈是獲心遊向
跡雖愚谷求名異盜丘息陰芳木所空復越鄉憂

登臨沮樓

高深不可厭巡屬復來過本與衆山絕況茲韶景和危
樓入水倒飛檻向空摩雜樹綠青壁樛枝掛綠蘿潭清
能徹底魚樂好跳波有象言雖一作難具無端思轉多同

心不在此孤賞欲如何

陪王司馬登薛公逍遙臺

嘗聞薛公淚非直
雍門琴竄逐留遺迹
悲涼見此心府中
因暇豫江上幸招尋
人事已成古風流獨至今
閑情多感歎清景暫登臨
無復甘棠在空餘蔓草深
晴光送遠目勝氣入幽襟
水去朝滄海春來換碧林
賦懷湘浦弔碑想漢川
沈曾是陪遊日徒為梁父吟

嘗與大理丞袁公太府丞田公偶詣一所林沼

尤勝因並坐其次相得甚歡遂賦詩焉以詠其事

方駕與吾友同懷不異尋偶逢池竹處便會江湖心夏
近林方密春餘水更深清華兩輝映閑步亦窺臨蘋藻
復佳色鳬鷺亦好音韶芳媚洲渚蕙氣襲衣襟蕭散皆
為樂裴回從所欽謂予成夙志歲晚共抽簪

與弟遊家園

定省榮君賜來歸是晝遊林鳥飛舊里園果釀新秋枝

長南庭樹池臨

一作連

北澗流星霜屢涵別蘭麝為誰幽

善積家方慶恩深國未酬棲棲將義動安得久情留

郡內閑齋

郡閣晝常掩庭蕪日復滋簷風落烏毳窗葉掛蟲絲拙
病宦情少羈閑秋氣悲理人無異績為郡但經時唯有
江湖意沈冥空在茲

城南隅山池春中田表二公盛稱其美夏首獲
賞果會風言故有此詠

憶昨聞佳境駕言尋昔蹊非惟初物變亦與舊遊睽幽
渚為君說清晨即我攜途深獨睥睨晚歷險共攀躋林筍
苞青籜津楊委綠蕘荷香初出浦草色復緣堤樂處將
鷗狎譚端用馬齊且言臨海郡兼話武陵溪異壤風煙
絕空山巖逕迷如何際朝野從此待金閨

西江夜行

遙夜人何在澄潭月裏行悠悠天宇曠切切故鄉情外
物寂無擾中流澹自清念歸林葉一作春服換愁坐露華生

猶有汀洲鶴宵分乍一鳴

南還湘水言懷

拙宦今何有勞歌念不成十年乖風志一別悔前行歸
去田園老倘來軒冕輕江間稻正熟林裏桂初榮魚意
思在藻鹿心懷食苹時哉苟不達取樂遂吾情

商洛山行懷古

園綺值秦末嘉遁此山阿陳迹向千古荒途始一過碩
人久淪謝喬木自森羅故事昔嘗覽遺風今豈訛泌泉

空活活樵叟獨皤皤是處清暉滿從中幽興多長懷赤
松意復憶紫芝歌避世辭軒冕逢時解薜蘿盛明今在
運吾道竟如何

南還以詩代書贈京師舊寮

薄宦晨昏闕尊

一作遵

尊義取斯窮愁年貌改寂歷爾胡

為不諂詞多忤無容禮益卑微生尚何有遠跡固其宜
思擾梁山曲情搖越鳥枝故園從海上良友邈天涯雲
雨歎一別川原勞載馳上慙伯樂顧中負叔牙知去國

誠寥落經途弊險熾歲逢霜雪苦林屬蕙蘭萎欲贈幽
芳歇行悲舊賞移一從關作限兩見月成規冉冉窮年
簫行行盡路岐征鞍稅北渚歸帆指南垂樹晚猶惹菴
江寒尚渺瀰土風從楚別山水入湘竒石瀨相奔觸煙
林更蔽虧層崖夾洞浦輕舸泛澄漪松篠行皆傍禽魚
動輒隨惜哉邊地隔不與故人窺疇昔陪鸛鷺朝陽振
羽儀來音雖寂寞接景每逶迤朝罷冥塵事賓來話酒
卮邀歡逐芳草結興選華池及此風成歎何時霧可披

自憐無用者誰念有情離望美音容闊懷賢夢想疲因
聲達霄漢持拙守東陂

初發道中贈王司馬兼寄諸公

昔歲嘗陳力中年退屏居承顏方弄鳥放性或觀魚曾
是安疵拙誠非議卷舒林園事益簡煙月賞恒餘不意
棲愚谷無階奉詔書湛恩均大造弱植媿空虛肅命趨
仙闕僑裝撫傳車念行開祖帳憐別降題輿誰謂風期
許叨延禮數殊義沾投分末情及解攜初追餞扶江介

光輝燭里閭子雲應寂寞公叔

一作緒

為吹噓景物春來

異音容日向疎川原行稍穩鐘鼓聽猶徐林隔王公舉
雲迷班氏廬戀親唯委咽思德更躊躇徇義當由此懷
安乃闕如願酬明主惠行矣豈徒歟

自始興溪夜上赴嶺

嘗蓄名山意茲為世網牽征途屢及此初服已非然日
落青巖際溪行綠篠邊去舟乘月後歸鳥息人前數曲
迷幽嶂連圻觸暗泉深林風緒結遙夜客情懸非梗胡

為泛無膏亦自煎不知于役者相樂在何年

當塗界寄裴宣州

故人宣城守亦在江南偏如何分虎竹相與間山川
章綬胡為者形骸非自然含情津渡闊倚望脰空延
遠近聞佳政平生仰大賢推心徒有屬會面良無緣
日夕遵前渚江村投暮煙念行祗意默懷遠豈言宣
委曲風波事難為尺素傳

郡中每晨興輒見羣鶴東飛至暮又行列而返

嗟嘆雲路甚和樂焉予媿獨處江城常目送此
意有所羨遂賦以詩

雲間有數鶴撫翼意無違曉日東田去煙霄北渚歸歡
呼良自適羅列好相依遠集長江靜高翔衆鳥稀豈煩
仙子馭何畏野人機却念乘軒者拘留不得飛

和裴侍中承恩拜掃旋轡途中有懷寄州縣官

僚鄉國親故

後缺

嵩嶽神惟降汾川鼎氣雄生才作霖雨繼代有清通天

下稱賢相朝端挹至公自家來佐國移孝入為忠霜露
多前感丘園想舊風扈巡過晉北問俗到河東便道恩
華降還鄉禮教崇野尊延故老朝服見兒童

和姚令公哭李尚書人

貴賤雖殊等平生竊下風雲泥勢已絕山海納還通忽
歎登龍者翻將弔鶴同琴詩猶可託劍履獨成空疇昔
嘗論禮興言每匪躬人思崔琰議朝掩祭遵公作善神
何酷依仁命不融天文虛北斗人事罷南宮上宰既傷

舊下流彌感衷無恩報國士徒欲問元穹

奉和聖製經函谷關作

函谷雖云險黃河已復清聖心無所隔空此置關城

奉和聖製度潼關口號

嶙嶙故城壘荒涼空戍樓在德不在險方知王道休

答太常靳博士見贈一絕

上苑春先入中園花盡開唯餘幽徑草尚待日光催

登荊州城望江二首

統籤作一首


泊泊大江水天地相終始經閱幾世人復歎誰家子
東望何悠悠西來晝夜流歲月既如此為心那不愁

賦得自君之出矣

自君之出矣不復理殘機思君如滿月夜夜減清輝

答陸澧

松葉堪為酒春來釀幾多不辭山路遠踏雪也相過



御定全唐詩卷四十九

欽定四庫全書

集部
御定全唐詩卷
五十三至五十三

詳校官庶吉士臣胡鉉

主事衙臣徐以坤覆勘

總校官知縣臣繆琪

校對官中書臣高 中

謄錄監生臣劉 澐

欽定四庫全書

御定全唐詩卷五十

楊炯

楊炯華陰人幼聰敏博學善屬文年十一舉神童授校書郎為崇文館學士遷詹事司直恃才簡倨人不容之武后時左轉梓州司法叅軍秩滿遷婺州盈川令卒於官中宗即位以舊僚贈著作郎炯聞時人以四傑稱乃自言曰吾愧在盧前耻居王後張說曰楊盈川文思如

懸河注水酌之不竭既優於盧亦不減王也有盈川集三十卷今存詩一卷

奉和上元酺宴應詔

甲乙遇災年周隋送上弦妖

一作秋

星六丈出沴氣七重

懸赤縣空無主蒼生欲問天龜龍開寶命雲火昭靈慶萬物覩真人千秋逢聖政祖宗玄澤遠文武休光盛大號域中平皇威天下驚參辰昭文物宇宙浹聲名漢后三章令周王五伐兵匈奴窮地角本自遠正朔驕子起

天街由來虧禮樂一衣掃風雨再戰夷屯剝清明日月
旦蕭索煙雲渙寒暑既平分陰陽復貞觀惟神諧妙物
乃聖符幽贊下武發禎祥平階屬會昌金泥封日觀辟
水匝明堂業盛勲華德興一作興包天地皇孝思義固極

易禮光前式天煥三辰輝靈書五雲色敬時窮發斂卜

代盈千億五緯聚華軒重光入望園公卿論至道天子

拜昌言雷解初開出星空即便元瑤臺涼景薦銀闕秋

陰遍百戲騁魚龍千門壯宮殿深仁洽蠻徼一作貌愜樂

周蒙縣宣室召羣臣明庭禮百神仰德還符日霑恩更
似春襄城非牧豎楚國有巴人

廣溪峽

廣溪三峽首曠望兼川陸山路遶羊腸江城鎮魚腹喬
林百丈偃飛水千尋瀑驚浪回高天盤渦轉深谷漢氏
昔云季中原爭逐鹿天下有英雄襄陽有龍伏常山集
軍旅永安興版築池臺忽已傾邦家遽淪覆庸才若劉
禪忠佐為心腹設險猶可存當無賈生哭

巫峽

三峽七百里唯言巫峽長
重巖窅不極疊嶂凌蒼蒼
絕壁橫天險莓苔爛錦章
入夜分明見無風波浪狂
忠信吾所蹈泛舟亦何傷
可以涉砥柱可以浮吕梁
美人今何在靈芝徒有一
一作自芳山空夜猿嘯征客淚沾裳

西陵峽

絕壁聳萬仞長波射千里
盤薄荆之門滔滔南國紀
楚都昔全盛高丘烜望祀
秦兵一旦侵夷陵火潛起
四維

不復設關塞良難恃洞庭且忽焉

一作然

孟門終已矣自

古天地闢流為峽中水行旅相贈言風濤無極已及余
踐斯地瓌奇信為美江山若有靈千載伸知己

從軍行

烽火照西京心中自不平牙璋辭鳳闕鐵騎繞龍城雪
暗凋旗畫風多雜鼓聲寧為百夫長勝作一書生

劉生

卿

一作鄉

家本六郡年長入三秦白璧酬知己黃金謝主

人劍鋒生赤電馬足起紅塵日暮歌鐘發喧喧動四鄰

驄馬

驄馬鐵連錢長安俠少年帝畿平若水官路直如絃夜

玉妝車軸秋金

一作風

鑄馬鞭風霜但自保窮達任皇天

出塞

塞外欲紛紛

一作紛

雌雄猶未分明堂占氣色華蓋辨星

文二月河魁將三千太乙軍丈夫皆有志會見

一作是

立

功勲

有所思

賤妾留南楚，征夫向北燕。
三秋方一日，少別比千年。
不掩嘖紅縷，無論一作能數綠錢。
相思明月夜，迢遞白雲天。

梅花落

牕外一株梅，寒花五出開。
影隨朝日遠，香逐便風來。
泣對銅鈎障，愁看玉鏡臺。
行人斷消息，春恨幾裴回。

折楊柳

邊地遙

一作迷

無極，征人去不還。
秋容凋翠羽，別淚損紅

顏望斷流星驛心馳明月關
葉砧何處在楊柳自堪攀

紫騮馬

俠客重周遊金鞭控紫騮
蛇弓白羽箭鶴轡赤茸鞦
發跡來南海長鳴向北州
匈奴今未滅畫地取封侯

戰城南

塞北途遼遠城南戰苦辛
旂一作幢如鳥翼甲冑似魚

鱗凍水寒傷馬悲風愁殺人
寸心明白日千里暗黃塵

送臨津房少府

岐路三秋別江津萬里長煙霞駐征蓋弦奏促飛觴階
樹含斜日池風泛早涼贈言未終竟流涕忽沾裳

送豐城王少府

愁結亂如麻長天照落霞離亭隱喬樹溝水浸平沙左
尉才何屈東關望漸賒行看轉牛斗持此報張華

送鄭州周司空

一作司功

漢國臨清渭京城枕濁河居人下珠淚一作泣賓御促驅
歌望極關山遠秋深煙霧多唯餘三五夕明月暫經過

送梓州周司功

御溝一相送，征馬屢盤桓。
言笑方無日，離憂獨未寬。
舉杯聊勸酒，破涕暫為歡。
別後風清夜，思君蜀路難。

送楊處士反初卜居曲江

鴈門歸去遠，垂老脫袈裟。
蕭寺休為客，一作相曹溪便寄

家。綠琪千歲樹，黃槿四時花。
別怨應無限，門前桂水斜。

途中

悠悠辭鼎邑，去去指一作拒金墉。
途路盈千里，山川亘百

重風行常有地

一作隊

雲出本多峯鬱鬱園中柳亭亭山

上松客心殊不

一作未

樂鄉淚獨無從

送劉校書從軍

天將下三宮星門召

一作啟

五戎坐謀資廟畧飛檄佇文

雄赤土流星劍烏號明月弓秋陰生蜀道殺氣繞湟中
風雨何年別琴尊此日同離亭不可望溝水自西東

遊廢觀

青嶂倚丹田荒涼數百年猶知小山桂尚識大羅天藥

敗金爐火苔昏玉女泉
歲時無壁畫朝夕有階煙
花柳
三春節江山四望懸
悠然出塵網從此狎神仙

和石侍御山莊

煙霞非俗宇

一作排俗累

巖壑只幽居
水浸何曾畝
荒郊不

復鋤影濃山樹密
香淺澤花疎
濶塹防斜徑
平堤夾小

渠蓮房若箇實
竹節幾重

一作竿

虛蕭然隔城市
酌醴焚

枯魚

送李庶子致仕還洛

此地傾城日由來供帳華亭逢李廣騎門接邵平瓜原
野煙氛西闕河遊望賒白雲斷巖岫綠草覆江沙詔賜
扶陽宅人榮御史車灞池一相送流涕向煙霞

早行

敞朗東方徹闌干北斗斜地氣俄成霧天雲漸作霞河
流纔辨馬巖路不容車阡陌經三歲閭閻對五家露文
沾細草風影轉高花日月從來惜闕山猶自賒

和崔司空傷姬人

昔時南浦別鶴怨寶琴弦今日東方至鸞銷珠鏡前水

流銜砌咽月影向窗懸妝

一作粉

匣悽餘粉

一作淚

薰爐滅

一作減

舊煙晚庭摧玉樹寒悵委金蓮佳人不再得雲一作

白日幾千年

和騫右丞省中暮望

故事閒臺閣仙門藹已深舊章窺複道雲幌肅重陰玄

律葭灰變青陽斗柄臨年光搖樹色春氣繞蘭心風響

高窗度流痕曲岸侵天門

一作民

總樞轄人鏡辨衣簪日

暮南宮靜瑤華振雅音

和酬號州李司法

唇齒標形勝關河壯邑居寒山抵方伯秋水面鴻臚君
子從遊宦忘情任卷舒風霜下刀筆軒蓋擁門閭平野
芸黃遍長洲鴻鴈初菊花宜泛酒蒲葉好栽書昔我芝
蘭契悠然雲雨疎非君重千里誰肯惠雙魚

和鄭讐校內省眺矚思鄉懷友

銅門初下辟石館始沈研遊霧千金字飛雲五色牋樓

臺橫紫極

一作氣

城闕俯青田
暄入瑤房裏
春回

一作過

玉

宇前霞文埋落照風物

一作色

澹歸煙翰墨三餘隙闕山

四望懸頽峯

一作風

睽酌羽流水曠鳴弦雖欣承白雪終

恨隔青天

和旻上人傷果禪師

淨業初中日浮生大小年
無人本無我非後亦非前
簫

鼓旁喧地龍蛇直映

一作真應

天法門摧棟宇覺海破舟船

書鎮秦王餉經文宋國傳
聲華周百億風烈被

一作破

三

千蕪沒青園寺荒涼紫陌田德音殊未達拱木已生煙

和劉侍郎入隆唐觀

福地陰陽合仙都日月開山川臨四險城樹隱三臺伏
檻排雲出飛軒遶澗回參差凌倒影瀟灑軼浮埃百果
珠為寶羣峰錦作苔懸蘿暗疑一作凝霧瀑布響成雷方

士燒丹液真人泛玉杯還如問桃水更似得蓬萊漢帝
求仙日相如作賦才自然金石奏何必上天台

和輔先入昊天觀星瞻一作占

通甲爰皇里星占太乙宮天門開奕奕佳氣鬱蔥蔥碧

落三乾外黃圖四海中邑居環若水城闕抵新豐玉檻

崑崙側金樞地軸東上真朝北斗元始詠南風漢君祠

五帝淮王禮八公道書編一作藏竹簡靈液一作藥灌梧桐

草茂一作蔓瓊階綠花繁寶樹紅石樓紛似畫地鏡祿如

空桑海年一作中應積桃源路不窮黃軒若有問三月住

一作往空峒

和劉長史荅十九兄

帝堯平百姓高祖宅三秦子弟分河岳衣冠動縉紳盛

名恒不隕歷代幾相因街巷塗山曲門閭洛水濱五龍

金作友一子玉為人寶劍豐城氣明珠魏國珍風標自

落落文質且彬彬共許刁元一作陶玄亮同推周伯仁石城

俯天闕鍾阜對江津驪足方遐騁一作駛狼心獨未馴鼓

鼙鳴九域風火集重閨城勢餘三板一作版兵威乏四鄰

居然混玉石直置保松筠耿介酬天子危言數賊臣鍾

儀琴未奏蘇武節猶新受祿寧辭死揚名不顧身精誠

動天地忠義感明神怪鳥俄一作來垂翼修蛇竟暴鱗來

朝拜

一作報

休命述職下梁

一作良

岷善政馳金馬嘉聲繞

玉輪三荆忽有贈四海更相親宮徵諧鳴石光輝掩燭
銀山川遙滿目零露坐沾巾友愛光天下恩波浹後塵
懦夫仰高節下里繼陽春

夜送趙縱

趙氏連城壁由來天下傳送君還舊府明月滿一作照前

川

御定全唐詩卷五十